

CHIPHUNZITSO CHA UBATIZO

Omasulira: David Makiyi

Malemba otsogolera:

Aefeso 4:4-5 *Thupi limodzi ndi mzimu mmodzi monganso anakuitanani mchiembekezo chimodzi chamaitanidwe anu; Ambuye mmodzi chikhulupiriro chimodzi, ubatizo umodzi*

Mateyu 28:19 “*Chifukwa chake mukani phunzitsani anthu amitundu yonse, ndikuwabatiza iwo mdzina la Atate, ndi la Mwana ndi la mzimu Woyeru.*”

Aroma 6:1-11 *Kapena kodi simudziwa kuti ife tonse amene tinabatizidwa mwa Khristu Yesu; tinabatizidwa mu imfa yake, chifukwa chake tinakidwa mmanda pamodzi ndi Iye mwa ubatizo kulowa mu imfa kuti monga Khristu anaukitsidwa kwa akufa mwa ulemerero wa Atate, chotero ifenso tikayende mmoyo watsopano. Pakuti ngati ife tinakhala olumikizidwa ndi iye mchifanizidwe cha imfa yake koteronso tidzakhala nchifanizidwe cha kuuka kwake. Podziwa ichi kuti umunthu wathu wakale unapachikidwa pamodzi ndi iye, kuti thupilo la uchimo likaonongedwe, kuti ife tisakhalenso akapolo a, uchimo Pakuti iye amene anafa anamasulidwa ku uchimo. koma ngati ife tinafa ndi Khristu, tikhulupirira kuti tidzakhalanso amoyo ndi Iye; Podziwa kuti Khristu anaukitsidwa kwa akufa, sadzafanso; imfa siichitanso ufumu pa iye, Pakuti pakufa iye atafa ku uchimo kamodzi; ndipo pakukhala Iye wamoyo akhala wamoyo kwa Mulungu. Chotero inunso mudziwerengere nokha ofafa ku uchimo, koma amoyo kwa Mulungu mwa Khristu Yesu.*

Luka 3:16 *Yohane anayankha, nanena kwa onse, inetu ndikubatizani ndi madzi, komawakundiposa ine mphamu alimkudza, amene sindiyenera kumasula lamba la nsapato zake; iyeyu adzakubatizani inu ndi Mzimu Woyeru ndi moto.*

Luka 11:13 “*Potero ngati inu okhala oipa, mudziwa kupatsa ana anu mphatso zabwino koposa kotani nanga Atate wanu wakumwamba adzapatsa Mzimu Oyera kwa iwo aku mpempha Iye?*”

CHIPHUNZITSO CHA UBATIZO

Nthawi zambiri timakhala ndi chidziwitso cha ma ubatizo atatu akulu amuBaibulo. Koma tiyenera kudziwa kuti Baibulo limanenanso za ubatizo wa chinayi sikuyenera kukhala osaudziwa. Mu chiphunzitso chathu cha ‘Ubatizo’, tifotokozeria magawo anai aubatizo amene akupezeka mmawu a Mulungu:

1. **KUBATIZIDWA, MTHUPI LA KHRISTU**
Ubatizo wa Mzimu mmodzi mthupi limodzi la Yesu Khristu. Izi zimachitika pakutembenuka mtima.
2. **UBATIZO WA M’MADZI**
Mtundu wa ubatizowu umachitika poyeru - umafanizira kufa ndi kuukanso kwa Yesu Khristu.

3. UBATIZO WA MZIMU OYERA

Uwu ndi Ubatizo wamphamu-umachitika kwa Okhulupirira Obadwanso mwatsopano; iwo akupempha Mulungu amalandira.

4. UBATIZO WA MASAUTSO

Ubatizo wa Masautso umatchedwanso kuti ‘ubatizo wa moto. Izi ndi nyengo za masautso mmoyo wa mkhristu.

Kupachikidwa kwa Yesu Khristu pa mtanda ndi chitsanzo cha chikulu cha ubatizo wa moto.

MUMITUNDU YONSE YA UBATIZOYI, MULINSO ZIGAWO ZITATU IZI:

1. Obatiza:

Mtumiki amene amatumikira okhulupilirayo pomumiza mumadzi.

2. Obatizidwa:

Okhulupilira amene akubatizidwa.

3. Gawo la mtundu waubatizo:

Gawo la mtundu waubatizo omwe okhulupilirayo akubatizidwa.
(chitsanzo:Mpingo, madzi, Mzimu oyera, Masautso ‘moto’.)

1. KUBATIZIDWA MTHUPI LA KHRISTU (mpingo)

a. Kubatizidwa ndi Mzimu mmodzi muthupi limodzi.

- i) Uwu ndi ubatizo umene wotembenuka mtima aliyense ayenera kuudziwa.
Yesu anayankha nati kwa iye indetu indetu ndinena ndi iwe, Ngati munthu sabadwa mwatsopano, sakhoza kuona Ufumu wa Mulungu. (Yohane3:3)
Thupi limodzi ndi mzimu mmodzi monga nso anakuitanani mchiembeke chimodzi cha maitanidwe anu; Ambuye mmodzi chikhulupiriro chimodzi ubatizo umodzi. (Aefeso 4:4-5)
- ii) Kubatizidwa mthupi la Khristu kumachitika nthawi ya kutembenuka mtima Munthu wotembenuka mtima amene waika chikhulupiriro chake mwa Yesu amachoka mu ufumu wa mdima ndipo amalowa mthupi la Khristu. kudzera mu mphamu ya mzimu Woyera amene amatibadwitsa mu thupi la Khristu; pamenepo timamabadwa kukhala mwana wa Mulungu.
Machitidwe 26:18 Kukawatsegulira maso awo, kuti atembenuke kuchokera kumdimba; kulinga kukuunika, ndi kuchokera ku ulamuliro wa satana kulinga kwa Mulungu, kuti alandire iwo chikhululukiro cha machimo, ndi cholowa mwa iwo akuyeretsedwa ndi chikhulupiriro cha mwa Ine.
- iii) Ndi ntchito ya Mzimu Woyera kuika akhristu Obadwanso mwatsopano mu utumiki umene Mulungu anawakonzera mu thupi la Khristu. (mpingo)Mulungu amatsogolera iwo amene waitana kukachita ntchito ya Utumiki Izi sikuti zimangochitika. Mulungu amatiphunzitsa.
Aroma 8:15 Pakuti inu simunalandire Mzimu wa ukapolo, kuchitanso mantha;

*koma munalandira mzimu wa umwana, umene tifuula nawo Abba, Atate.
Agalatiya 4:6 Ndipo popeza muli ana, Mulungu anatumiza mzimu wa mwana
wake alowe mitima yathu amene apfuula Abba, Atate.*

b. Kudzipereka kuzofuna za thupi

- i) Pakhoza kuchitika bvuto lalikulu pamene Okhulupirira ayesa kusintha mwa yekha cholinga chaMulungu chimene Mulungu anakonzera moyo wake. Tiyenerea kuphunzira kukhala ngati Paulo pakukhala okwanirtsidwa ndi zimene tili nazo nyengo iliyonse
Afilipi 4:11 Sikuti ndinena monga mwa chiperewero, pakuti ndaphunzira ine, kuti zindikwanire ine zimene ndili nazo.
- ii) Ambuye Yesu Yekha; amene ali mutu wa thupilo (mpingo) ndi amene akhoza kusintha utumiki wa okhulupirira, kapenanso mpingo wonse ngati pali kufunikira kuchita motero.
- iii) Tiyenera kumvera Iye, kupita kumene watituma ndi kuchita zimene watiuza kuti tichite.
- iv) Kudzipereka kumpingo wapamalo ndi thupi laKhristu ndikofunika kwambiri kwina kulikonse padziko lapansi-chifukwa tinabatizidwa ndi mzimu mmodzi mu thupi limodzi. Mpingo ndi banja limodzi; osakhalanso pawekha.
- v) Timafunitsitsa thupi la khristu komanso ife tifunika kukhala muthupilo. Tiyenera kutumikira kolingana ndi muyeso wa utumiki umene wapatsidwa kwa ife kuchokera kwa Mulungu. Munthu aliyense wobadwanso mwatsopano ali ndigawo loti achite Muufumu wa Mulungu.
- vi) Muufumu wa Mulungu mulibe ku khala oziimira pa wekha koma kudalirana wina ndi mzake. timadalirana wina ndi mzake pakumangilira thupi la Khristu kuti likhale monga mmene Mulungu afunira.

c. Mmene Okhulupirira amagwirira nthito mu thupi laKhristu

- i) Mkhristu wotembuka mtima aliyense ndi ofunikira muthupi la Khristu. Thupi la Khristu silingayende bwino kopanda ziwalo zina za thupilo.
- ii) Thupi la Khristu ndi malo Otetezedwa: Okhulupirira ndi anthu otetezedwa kwambiri pa dziko lapansi chifukwa ali gawo la thupi limene Yesu ali mutu wa thupilo; Iye amasamatira komanso amalikonda thupilo.

2. UBATIZO WA MADZI

Mawu amchingerezi akuti “baptise” amachokera ku mneni wa mchiGreek “bapto” amene amatanthauzira kumiza (immerse)

- a. **Ubatizo wa mmadzi ndi ubatizo wa Okhulupirira**
 Ubatizo wa mmadzi umachitika mthupi koma umaonetsera choonadi cha Uzimu. Kusambsidwa ndi kuyeretsedwa kwa Mkhristu kuchoka ku moyo wa uchimo kumaonetseredwa mchitidwe wa ubatizo wa madzi. Ndiko kubvomereza kochitikira kunja kuonetsera chimene chachitika mcati; kuonetsera kudziwana kwathu ndi Yesu.
- b. Mu ubatizo wa mmadzi timanene motsikimizira
 kuti ife tili ogawana ndi Yesu Khristu muimfa komanso kuuka kwake :Aroma 8:6
 Koma ngati ife tinafa pamodzi ndi Khristu, tikhulupirira kuti tidzakhalanso ndi moyo ndi Iye.
 - i) **Kutsikimizira kuti talandira moyo wa tsopano**
 Mchodziwika bwino kuti munthu amene ali kubatizidwa Sali kufa chifukwa cha machimo monga momwe Yesu Khristu anatifera koma kuonetsera poyera kuti ali wotsikimiza mtima kutsatira ndi kutumikira Ambuye Yesu. Monga momwe Yesu anafa chifukwa cha machimo athu wokhulupirira amamizidwa mmadzi kuonetsera kufa kuuchimo mwa ntchito ya Khristu. Chikhaldwe cha uchimo cha munthuyo chimatsalira mmadzi pamene iye alikutuluka mmadzi; kuonetsera kugonjetsedwa kwa chimo komanso imfa mwa kuuka kwakufa kwa Yesu Khristu.
Aroma 6:11 Chotero inunso mudziwerengere inu nokha akufa ku uchimo, koma amoyo kwa Mulungu mwa Khristu Yesu.
 - ii) **Ndiko Kubvomereza poyera Kuti tikhala moyo wa Khristu ndikutinso ife ndi akuphunzira ake.**
 Agalatiya 2:20 “*Ndinapachikidwa ndi Khristu; koma ndiri ndi moyo; wosatinso ine ayi, koma Khristu ali ndi moyo mwa ine; koma moyo umene ndiri nawo mchikhulupiriro cha mwana wa Mulungu, amene anandikonda, nadzipereka yekha chifukwa cha ine.*”
 - iii) **Tili Akufa tsopano mwa Yesu Khristu**
 Munthu amene wabatizidwa ali kubvomerezana ndi Mulungu kuti ali wakufa mwa Khristu kuchikhaldwe cha uchimo komanso imfa.
 - iv) **Timazidzindikiritsa tokha ndi Yesu**
 Ndi chimwemwe timadzipereka tokha ku ntchito ya chipulumutso chathu imene Ambuye anatigwirira pa mtanda wa Kalvary.
Aroma 6:6 Podziwa ichi kuti umunthu wathu wakale unapachikidwa pamodzi ndi iye, kuti thupilo la uchimo likaonongedwe, kuti ife tisakhalenso akapolo a uchimo.

UBATIZO WAMADZI NDI CHIFANIZIRO

Kuyeretsedwa kwathu kuchoka kumachimo kumafaniziridwa mu ubatizo wa madzi; uku ndikubvomereza kwa kunja kuonetsera chimene chachitika mcati. Izi zimaonetsera kulumikidzidwa kwathu ndi Yesu Khristu.

Aroma 6:3-6 Kapena kodi simudziwa kuti ife tonse amene tinabatizidwa mwa Khristu Yesu, tinabatizidwa mu imfa yake? Chifukwa chake tinaikidwa mmanda pamodzi ndi iye mwaubatizo kulowa mu imfa; kuti monga khristu anaukitsidwa kwa kufa mwa ulemerero wa atate, chotero ifenso tikayende moyo watsopano. Pakuti ngati ife tinakhala olumikizidwa ndi

*Iye mchifanizidwe cha imfa yake, koteronso dzakhala mchifanizidwe cha kuuka kwake.
Podziwa ichi kuti umunthu wathu wakale unapachikidwa pamodzi ndi Iye kuti thupi la uchimo
likaonongedwe kuti ife tisakhalenso akapolo auchimo*

Aroma 6:8 *Koma ngati ife tinafa ndi Khristu, tikhulupirira kuti tidzakhalanso amoyo ndi Iye.
podziwa kuti Khristu anaukitsidwa kwa kufa; sadzafanso imfa siichita ufumu pa iye Pakuti
pakufa Iye, atafa ku uchimo kamodzi; ndipo pakukhala iye ndi moyo, akhala wamoyo kwa
Mulungu. Chotero inunsomudziwerengere inu nokha ofafa ku uchimo, koma amoyo kwa
Mulungu mwa Khristu Yesu*

a) Chifukwa chiani ubatizo wa madzi uyenera kukhala “womiza”

- i) Mawu a mchiGreek otanthauza ubatizo ndi “baptizo” kutanthauzira kumiza (dip or immerse) mawu amenewa amagwiritsidwa ntchito kutanthauza kumiza chobvala mu utoto (dye).
- ii) Yohane Mbatizi anali kubatiza mtsinje wa Ainoni chifukwa munali mmadzi ambiri. izi zili kuonetsera mau akuti “kumiza”
Yohane 3:23 Ndipo Yohane anali nkubatiza M’ainoni pafupi pa Selemu, chifukwa panali madzi ambiri pamenepo; ndipo analinkufikako anthu, nalinkubatizedwa.
- iii) Mfundu yaikulu ndiyakuti ubatizo omiza ndi umene ungaethe kuonetsera kuikidwa mmanda kweni kweni kwa munthu wakufa.
Aroma 6:4 Chifukwa chake tinaikidwa mmanda pamodzi ndi Iye mwa ubatizo kulowa muimfa; kuti monga Khristu anaukitsidwa kwa kufa mwa ulemerero wa Atate, chotero ifenso tikayende m’moyo watsopano. Akolose 2:12 Popeza munaikidwa mmanda pamodzi ndi Iye muubatizo, momwemonso munauksidwa mmanda pamodzi ndi Iye kwa kufa.

b) Chifukwa chiani munthu ayenera kubatizedwa mmadzi?

- i) Kubatizedwa mmadzi ndi Lamulo la Ambuye Yesu.
Mateyu 28:19 “Chifukwa chake mukani, phunzitsani anthu amitundu yonse, ndikuwabatiza iwo mdzina la Atate ndi la mwana ndi la Mzimu Woyer.”
- ii) Tiyenera kubatizedwa mmadzi kuti tikhale ndi chikumbumtima chabwino cha kwa Mulungu
1 Petro 3:21 Chimenenso chifaniziro chake chikupulumutsani tsopano, ndicho ubatizo, kosati kutaya kwa litsiro lake la thupi, komatu funso lake lachikumbumtima chokoma cha kwa Mulungu mwa kuuka kwa Yesu.
- iii) Tiyenera kubatizedwa m’madzi chifukwa Ambuye Yesu anabatizedwa m’madzi.
Luka 1:19 “Ndipo kunali masiku omwewo Yesu anadza kuchokera ku Nazarete wa ku Galileya, nabatizedwa ndi Yohane m’Yordano.

- iv) Kubatizidwa mmadzi ndi mtundu wa Mdulidwe wa mumtima.
Akolose 2:11 Amenenso munadulidwa mwa Iye ndi mdulidwe osachikika ndi manja, m'mabvulidwe athupi mu mdulidwe wa Khristu.
 Yesu anachita ntchito Ntchiyo Yonse ya mdulidwe wathu; ndiwo mdulidwe wa mu mtima kwa onse okhulupirira.
- v) Ubatizo wa mmadzi anali maziko achiphunzitso ampingo woyamba.
Machitidwe 2:41 Pamene po iwo amene analandira mau ache anabatizidwa.
- vi) Ubatizo wa m'madzi umafanizira chiyeretso.
 Ubatizo wa mmadzi ndi chifanizo chabe, timayeretsedwa ndi mwazi wa Yesu Khristu komanso ndi mau aMulungu.
- vii) Ubatizo wammadzi uli ngati chidindo choonetsera umwini.

c) **Mafunso okhudza Ubatizo wa mmadzi amene anthu amafunsa kawiri kawiri.**

- i) **ubatizo owaza mmadzi (osamiza, wapamutu, wothirira?)**
 Uwu siubatizo oyenerera chifukwa siukufikira tanthauzo la mau akuti baptiso amene amamasulira kuti 'kumiza'
- ii) **Kubatiza makanda?**
 Ambuye Yesu analandira mdulidwe komanso kudalitsidwa pamene anali khanda kenako anabatizidwa pamene po iwo atakula.
Luka 2:22 Ndipo pamene anakwanira masiku akukonza kwavo, monga mwa chilamulo cha Mose, iwo anakwera naye ku Yerusalemukukansonyeza Iye kwa Mulungu. (kukachisi)
- iii) **Kuchita kwa chikumbumtima?**
 Ubatizo wa mmadzi ndi kuchita kwa chikumbumtima cha okhulupirira amene chokhumba chake ndiko kumvera lamulo la Mulungu.
- iv) **kubatiza ana?**
 - a. M'Baibulo mulibe kuonetsera kwenikweni kwa zaka zoyenera kuyambira ubatizo, ana amene ali otembenuka kweni kweni amene ali kufuna kubatizidwa akhoza kutero mwakubvomerezedwa ndi akulu ampingo.
 - b. Chilorezo cha kubatiza ana ochepera zaka, chiyenera kuchokera kwa makolo awo.
 - c. Mwana asabatizidwe chifukwa chakufuna kwa makolo, pamene iye asakufuna.
- v) **Machiritso?**
 Ubatizo wa mmadzi sichizindikiro cha machiritso kapena njira yothana

ndi mabvuto athu osiyanasiyana Madzi sali gawo la chinsisi cha mphamvu yina, komabe Mulungu akhoza kuchiritsa munthu motsagana ndi ubatizo; koma ichi sicholinga cha ubatizo.

vi) **Kodi Ubatizo wa mmadzi ndi chikhululukiro?**

- a. Ubatizo wa mmadzi sichizindikiro cha chikhululukiro cha machimo, kudzera mmubatizo timazindikira kuti machimo athu anakhululukidwa ndipo tinayeretsedwa ndi mwazi wa Yesu. Obatizidwayo ayenera kulandira chipulumutso mwakubadwanso mwatsopano asanabatizidwe: Ndipo ayenera kumvetsetsa kuti Yesu anafa chifukwa cha machimo athu, pamene tili kubatizidwa timamtsatira Yesu mu imfa Yake.
- b. Ambuye analamulira kuti tiyenera kubvomereza chikhulupiro chathu pamsa pa anthu simwamtseri (mobisalira)
- c. Okhulupirira amene ali mmaiko amene amaika miyoyo ya okhulupirira Yesu pachiopsezo, Ayenera kubvomereza chikhulupiro chawo kwa wina ndi mzake muthupi laKhristu. Ndipo Mulungu adzawatsogolera mmene iwoakhoza kuchitira anthu ena Umboni zaYesu.

vii) **Kubatizidwa koposera kamodzi?**

- a. Ubatizo wa mmadzi uyenera kuchitika kamodzi mmoyo wa okhulupirira. Timalandira mwa chikhulupiro kuti tinafa ku uchimo mwa Yesu. . M'ubatizo, timaonetsera kuyeretsedwa ndi kukhululukidwa kwathu mwa Yesu.
1 Yohane 1:9 Ngati tibvomereza machimo athu ali wokhulupirika ndi olungama Iye, kuti atikhululukire machimo athu ndikutisambitsa kutichotsera chosalungama chiri chonse.
- b. Pali nthawi imodzi yokha imene Paulo Mtumwi anabatiza anthu kachiwiri;
Machitidwe 19:3-5 Ndipo anati mwabatizidwa ndi chiani? Ndipo anati; ubatizo wa Yohane. Ndipo anati Paulo; Yohane anabatiza ndi ubatizo wakutembenuka mtima, nati kwa anthu ankhulupirire Iye amene anadza pa mbuyo pake ndiye Yesu Pamene anamva ichi anabatizidwa Mdzina la Ambuye Yesu.
- c. Ngati munthu afuna kuti abatizidwe kachiwiri, chifukwa choti nthawi yoyamba anali wosatembenuka mtima pamene anabatizidwa; kapena kuti anali wang'ono, akhoza kutero poyeretsanso chikumbumtima chake.

viii) **Kudzera muubatizo timabvomereza zinthu izi:**

- a) Moyo pakutha imfa – Kumwamba ndiye kwathu.
Ichi ndi chikhulupiriro chathu kuti kuli moyo wina pakukatha imfa.
1 Akorinto 5:3-4 Pakuti ndi napereka kwa inu poyamba paja chimenenso ndinandira, kuti Khristu anafera zoipa zathu monga mwa malemboNdikuti anaikidwa naukitsidwa tsiku lachitatu, monga mwa malembo.
- b) **Mpingo wa dziko lonse Mpingo wa Mulungu umatchedwa “Ecclesia” kutanthauzira kuti**
Oitanidwa, Ife tili mbali ya mpingo umenewu padziko lonse. Koma pa mpingo wa pa malo Mulungu anatikhazikitsa kuti titumikire thupilo popereka chakhumi komanso kutsata chilimbikitso ndi chiyeretso cha miyoyo yathu. Tili kuona mpingo wamoyo wochitachita wa ku Yerusalem.
Machitidwe 2:42-44 Ndipo anali chikhalire m’chipunzitso cha Atumwi ndi mchiyanjano, mkunyema mkate ndi mapemhero Koma, panadza mantha pa anthu onse; ndipo zozwizwa ndi zizindikilo zambiri zinachitika ndi Atumwi. Ndipo onse akukhulupirira anali pamodzi nakhala nazo zonse zodyerana
- c) Kutembenuka mtima kuchoka kudziko lapansi.
Tilikunena zakuchoka ku dziko lapansi osati kukonda dziko lapansi zinthu za dziko lapansi tinadzisiya, tili ife tsopano mbali ya Ufumu wa Mulungu.
- d) Kutembenuka mtima kuchoka kwa satana. Satana tinamuchokera, sitirinso ana ake ndipo iye alibe mphamvu pa ife. Tili ana aMulungu, Uchimo ulibe mphamvu pa ife.

CHIDZIWITSO: Ndikofunikira kubatiza okhulupirira kamodzi osati katatu Tiyenera ku m’batiza iye mdzina la Atate ndi la mwana ndi la mzimu Oyera. Ngati obatizidwayo akuchita mantha kumizidwa mmadzi ndibwino ku mulora kuti adzimize yekha osakakamiza okhulupirira kulowa mmadzi.

3. UBATIZO WA MZIMU WOYERA. (UBATIZO WA MPHAMVU)

Tiyamika Mulungu chifukwa Iye wa tiika ife mmalo pamodzi ndi Khristu, sikungotiyika kokha komanso Watipatsa kuthekera kukachita chifuniro chake kudzera mwa mphamvu ya Mzimu Woyera.

Machitidwe 1:8 *Komatu mudzalandira mphamvu Mzimu Woyera atadza pa inu; ndipo mudzakhala mboni zanga M’yerusalemu ndi m’yudeya lonse ndi m’samariya, ndi kufikira mmalekezero ake adziko.*

- a) Kufunikira kwake kwa Ubatizo wa Mzimu Woyera.
 - i) Ubatizo wa Mzimu Oyera ndi lamulo la Mulungu.
Aefeso 5:18 Ndipo musaledzere naye vinyo mmene muli chitayiko; komatu mudzale naye Mzimu.

Tingathe kudzazidwa kufikira muyeso wakulandira kwathu. Tingathe kulantira mochepa pachiambi, koma pamene tipitirirabe kukula msinkhu kudzazidwa kwathu kudzaonjezereka. Tingathe tsopano kudzazidwa kufikira muyeso uliwonse umene Mulungu akhoza kupereka m'unthawi ya kudzazidwa kwathu.

- ii) Timalandira mphamvu ndi kulimbika mtima kukachitira Umboni za Yesu Khristu.
Machitidwe 1:8 "...Komatu mudzalandira mphamvu, Mzimu Oyera Atadza pa inu; ndipo mudzakhala mboni zanga M'yerusalem, ndi M'yudeya lonse, ndi M'samaliya, ndikufikira malekezero ake adziko lapansi."
- iii) Chidzalo cha Mzimu Oyera, Chimamasura Mphatso za Mzimu Oyera. Ndi kofunika kuti mphatso za Mzimu Oyeradzikamasulidwe.
1 Akorinto 12:7-11 *Koma kwa yense kwa patsidwa maonekedwe a mzimu kuti apindule nawo Pakuti kwa mmodzi kwapatsidwa mwa Mzimu mau anzeru; koma kwa nzake mau achidziwitso, monga mwa Mzimu yemweyo: Kwa wina chikhulupiro mwa Mzimu yemweyo; ndi kwa wina mphatso za machiritso mwa Mzimu mmodziyo; ndi kwa wina machitidwe amphanvu; ndi kwa wina chinenero; ndi kwa wina chizindikiro cha mizimu; kwa wina malilime a mitundu mitundu; ndi kwa wina mamasulidwe a malilime. Koma zonse achita Mzimu mmodzi yemweyo, nagawira yense payekha monga afuna.*
- iv) Chipatso cha Mzimu. (AGalatiya 5:22)
Mothandizidwa ndi Mzimu Woyera timakwaniritsa kuonetsera chipatso cha Mzimu Woyera mochurukira; mu miyoyo yathu. Koma chipatso cha Mzimu ndicho chikondi, chimwemwe, mtendere, kuleza mtima, chifundo, kukoma mtima, chikhulupiro, chifatso, chiletso, pokana zimenezi palibe lamulo.
- v) **Kukhala mwa Ulemerero wa Mulungu** (Yohane 16:14)
Mzimu Woyera ndi ofunika, amatithandizira kuti tikakhale mwa Ulemerero wa Mulungu. "*Iyeyu adzalemekeza Ine; chifukwa adzatenga za mwa ine, nadzalalikira inu.*"
- vi) Mzimu Woyera amapangitsa Yesu kukhala weniweni miyoyo yathu. (Yohane 15:26)
"Koma pamene wafika Nkhoswe, amene Ine ndi zamtuma kwa inu kuchokera kwa Atate, Ndiye Mzimu wa choonadi, amene atuluka kwa Atate, Iyeyu adzandichitira Ine umboni."
- vii) Mphamvu ya Mzimu Woyera imachita kwakukuru mmoyo wa pemphero. Aroma 8:26 *Ndipo momwemonso Mzimu athandiza kufoka kwathu; pakuti chimene tizipempha monga kuyenera sitidziwa; koma Mzimu mwini atipempherera ndi zobuula zosatheka kuneneka.*

- viii) Mzimu Woyeramaperaka mabvumbulutso.
 Mzimu Woyeramapereka kumvetsetsa komanso chikondi chatsopano cha pa Mau aMulungu.
Yohane16:13 Koma atadza Iyeyo Mzimu wa choonadi, adzatsogolera inu m'choonadi chonse; pakuti sadzalankhula za Iye mwini; koma zimene ziri zonse adzazimva, adzazilankhula; ndipo zinthu zirinkudza adzakulalikirani. Izi ndi zimene zidzachitike mtsogolo kudzera mmau achinenero komanso mau ochokera mkamwa mwa Mulungu.

b) Tiyenera tonse kudzazidwanso ndi Mzimu Woyeram.

- i) Kuti tiddazidwenso tiyenera kukhala oyera mtima. tiyenera kulapa machimo athu komanso kuhululukira iwo amene anatilakwira, tisadzilungamitse tokha.
1 Yohane 1:7a Koma ngati tiyenda nkuunika, monga Iye ali nkuunika, tiyanjana wina ndi mzake, ndipo mwazi wa Yesu mwana wake utisambitsa kutichotsera uchimo wonse.
- ii) Tikhale ndi ludzu lofuna kudzazidwanso ndi Mzimu Woyeram. Tibwere ndi kumwa madzi kwa Yesu.
Yohane 7:37-39 Koma tsiku lomariza lalikurulo, la phwando, Yesu anaimirira, nafula, ndi kunena, Ngati pali wina akumva ludzu, adze kwa ine, namwe. Iye wokhulupirira Ine, monga chilembo chinati, Mitsinje ya mmadzi amoyo idzayenda kutuluka mkatwi mwake. Koma ichi anati za Mzimu woyeram, amene iwo akukhulupirira Iye anati adzalandire; Pakuti Mzimu panalibe pomwepo, ndipo Yesu sanalemekezedwa pa nthawi pomwepo.
- iii) Ndipo mkatwi mwa miyoyo yathu mitsinje ya madzi amoyo idzayenda.
Yohane7:38 Iye wokhulupirira Ine, monga chilembo chinati, mitsinje ya madzi amoyo idzayenda kuturuka mkatwi mwake.

c) Chizindikiro chakudzazidwa ndi Mzimu Oyeram

Mmoyo mwa okhulupirira mumabwera chikhumbo khumbo chatsopano chofuna kufanana ndi Yesu komanso kufunitsitsa kudziwa mau ake, Ntchito ya Mzimu Oyeram Imaonekera mmoyo wa okhulupirira kudzera mwa kusinthika kwa moyo wa okhulupirira.

d) Kulankhula ndi malilime ena

Wokhulupirira onse alinako kuthekera kolankhulanso ndi malilime ena. Malingaliro ndi nzeru zathu ndizo choletscha chachikuru cha kulankhula ndi malilime ena. Mumpingo woyamba, onse amene anadzazidwa ndi Mzimu Oyeram analankhula ndi malilime ena.

e) Chinachitika ndi chiani pamene wokhulupirira Oyamba anadzazidwa ndi Mzimu Oyeram

- i) Tsiku la Pentekoste, Mzimu Oyeram anadza pa okhulupirira oposera anthu zana, limodzi kudzanso makumi awiri. Atadzazidwa ndi Mzimu Woyeram Onse analankhula ndi malilime ena monga momwe Mulungu

anawalankhulitsa iwo.
Machitidwe 2:4, 10:46, 19:6 “*Ndipo anadzazidwa onse ndi Mzimu Woyerā, nayamba kulankhula ndi malilime ena Monga Mzimu anawalankhulitsa*”

- ii) Malilime Kunyumba Ya Korneliyo Ndipo
Machitidwe 10:45-46 *anadabwa okhulupirirawo akumdulidwe onse amene anadza ndi Petro, chifukwa pa amitundunso panathiridwa mphatso ya Mzimu Woyerā Pakuti anamva iwo ali kulankhula ndi malilime ndi kumkuza Mulungu.*
- iii) Pamene Paulo analandira Kuona kwake
Machitidwe 9:17-18 *Ndipo anachoka Hananiya, nalowa m’nyumbayo; ndipo anaika manja ake pa iye, nati Saulo, mbale, Ambuye wandituma ine, ndiye Yesu amene anakuonekeranpanjira wadzerayo, kuti upenyenso, ndikudzazidwa ndi Mzimu Woyerā. Ndipo pomwepo panagwa kuchoka mmaso mwake ngati mamba, ndipo anapenyanso.*

POMALIZA

Mbuku la Luka 11:13 Yesu anati, “*Potero ngati inu, okhala oipa, mudziwa kupatsa ana anu mphatso zabwino, koposa kotani nanga Atate wanu wa Kumwamba adzapatsa Mzimu Woyerā kwa iwo akumpempha Iye.*”

Ubatizo wa Mzimu Woyerā umapatsidwa kwa iwo amene amapempha Mulungu mwa chikhulupiro. sikuti tibvutikire kuti tilandire, kapena kubuula, kutumpha tumpha, kudandaulira, kapena kugudumuzika ndi kukankha kankha anzako ayi, Ndi mphatso ya ulere ya Mulungu kwa Okhulupirira ake, ya kuwachititsa iwo kuti afanane ndi mwana wake Yesu Khristu.

4. UBATIZO WA MASAUTSO KAPENA KUTI WA “MOTO”

- a) AKhristu ambiri sadziwa za ubatizo umenewu pamene enanso ambiri, sawumvetsetsa. Ngakhale izi ziri chotero masautso amapezeka mmoyo wa Mkhristu nthawi ndi nthawi.
Mariko 9:49 Pakuti onse adzathiridwa mchere wa moto
- b) M’moyo wa masiku ano anthu ambiri amaona kuti chipunzitso cha masautso ndichobvuta komanso chosayenera moyo wa Chikhristu. Ambiri amatenga masautso monga chiopsezo pa moyo wawo. Masautso simatenda okha kapena kusowa kwa ndalamu, palibe amene amafuna kulowa masautso, masautso ndi mbali yamoyo wa munthu (Mateyu 13:21). Ndipo alibe mizu mwa iye, koma akhala nthawi yaying’ono; ndipo pakudza msautso kapena zunzo chifukwa cha mau iye akhumudwa pomwepo. Mulungu amafuna kutilimbitsa kuti tingagwe.
- c) Okhulupirira amene anaperekwa miyoyo yaho kwa Yesu pokhala mmoyo wadzikiko lapansi adzayedewa monga Ambuye Yesu anayedewa.
Mariko 4:17 Monga Ambuye anakaniidwa ndi kunyozedwa ndi anthu adziko lapansi.

- d) Ambiri mwa ife takanidwapo kapena kuzumzidwa njira zosiyana siyana kuchokera kwa akhristu anzathu kapenango abale athu obadwa nawo mbanja limodzi penango anthu akunja. Zowawa zimene timazimvazo ziri mbali immodzi ya Ubatizo waMasautso kapena kuti wa moto. Mau aMulungu amatilimbikitsa kuti tichiyese chimwemwe pamene tili kuyenda mmayesero. *2 Timoteo 3:12 Ndipo onse akufuna kukhala opembedza mmoyo wa Khristu Yesu, adzamva mazunzo.*
- e) Yesu anali odziwika komanso wofunikira kwambiri kwa anthu onse; koma izi zinazutsa m'kwiyo komanso m'sanje pakati pa atsogoleri achipembezo. Pamapeto ake ambuye Yesu anakomana ndi masautso ambiri, anamva zowawa nthupi kufikira imfa ya pamtanda. Ambiri mwa ife sitinamenyedwepo kufikira magazi. Pamene mayesero afika, tibvale zida za Khristu.
- f) Dzikolo lapansi likupitirirabe kutsutsana ndi Akhristu a choonadi
- g) AKhristu ambiri mmadera ena adziko lapansi ali kuphedwa komanso kuzunzika chifukwa cha chikhulupiro chawo. Tikumbukire kuwapempherera iwo. Ngakhale pali zowawa zambiri Mau a Mulungu ali kutilimbikitsa kuti Tichiyese chimwemwe pamene tili nkuyesedwa.
- h) Tiyenera kuonetsetsa kuti sitinachite cholakwa choyenera kulangidwa chifukwa tikatero tizachititsa manyazi dzina la Yesu.
- i) Masautso onse amene ife okhulupilira timakumananawo pogwira ntchito ya Yesu Khristu amatithandizira kutiyeretsa m'moyo wathu wa tsiku ndi tsiku mu thupi, m'moyo ndi mumzimu.

5. CHIYERETSO NDI CHIANI?

- a) Pamene munthu walandira chipulumutso amalandilako chiyero cha Yesu Khristu ndipo amakhala olungama pamaso pa Mulungu.
- b) Chiyeretso chiri chopitirira mtsogolo.
Izi zikhoza kuoneka zotsutsana ndi mfundo yoyambayi koma Paulo akuti Afilipi 3:7 “*komatu zonse zimene zinandipindulira, zomwezo ndinaziyesa chitayiko chifukwa cha Yesu.*”
- c) “Ndi moyo watsopano”- awa ndi mawu okhonza.
Ndife olengedwa mwatsopano. Mulungu Adatero

CHOLINGA CHOTSILIZA

Cholina chathu chotsiriza ndi kufanana naye Yesu, Kutsogoleredwa ndi Mzimu Woyeria.